

永春縣志卷十九

儒林傳

序曰自漢以來學者以孔子爲依歸而從入不同世之風尚亦殊焉方經儒焚坑之際義乖言絕則尊師傳原詁訓及注疏成書之後家絃戶誦則求深造尙義理傳曰六經之道同歸此之謂與若夫末學支離破碎害道或遁之空虛攙雜釋老蓋流失之弊豈作者之過耶夫以孔子之道大而能化自顏曾游夏之倫及門親炙不能盡其義蘊故以回之好學僅許其三月不違仁而世之論者尊稱所師謂且軼孟荀而過之殆將有所見歟且人類之智日進無疆必謂孔氏之後無復孔氏亦非造物自

永春縣志

卷十九

儒林傳

一

然之理然千百年來卒未見有能代之興者此其故可思矣永春儒流宋世以休齋陳氏爲巨擘以其得友朱子然觀其言論風旨固確然有以自立者惜遺書散佚蒐輯末由其道微而不彰非學者之責歟元明以後馭世者以帖括利祿錮人耳目然核其所造亦多卓然可傳儒行十五豈顛由一途哉故遠攬先哲近采軼聞自兩宋迄於近世彙而次之以續儒林云

宋

黃豐字元式

里人初爲太學錄靖康中金人犯闕搜括中

朝名士焚燒太學首問黃豐安在豐趨井避之高宗卽位豐第建炎二年進士與同邑人武學錄陳謚

選舉志作謚

俱有令譽御史



黃瑀見二公同邑同時意人才所鍾之地欣然求宰永春其爲時所重如此仕終編修知興化軍

陳知柔字體仁昇平里人世居晉江至知柔徙居永春祖從易歷仕真宗仁宗朝位至左諫議大夫直龍圖閣學士宋史有傳知柔性超邁聰穎刻志墳籍登紹興十二年進士第四人授台州判官郡獲海盜有被誣者獄久不決知柔廉得寃狀辨釋四十餘人改建州教授旋移漳州歷知循州賀州知柔與秦檜子熺同榜檜當國時榜中同前列十餘人俱以攀援致通顯知柔獨不屑以故齟齬盛年卽有歸志自號休齋居士雅好山水離台州任徧遊名山至會稽耽其巖壑留二年後自賀州罷官復

永春縣志

卷十九

儒林傳

二

留歸善三年暇日泛豐湖登白鶴峯和蘇軾詩羅浮風物陶寫殆盡還充福建安撫司參議官前後凡四奉祠諸生從學者甚衆郡守王十朋甚推重之有贈詩見梅溪集朱子官同安時與知柔友

善後三十年再見知柔知柔欲出所論述與朱子商榷未果而

卒朱子祭以文極惋惜焉

書文及唱和詩俱見朱子大全集

所著經說及詩文

集十餘種皆行於世陳氏自知柔居昆湖之陳巖至南宋末宗支蕃衍世有名人爲縣望族昆湖一名蓬壺者以其地有蓬山壺山也元兵寇杭端宗南奔過永春陳氏舉族起義爲發兵拒元而泉守蒲壽庚以郡叛降於元遣兵攻之殉義者不可勝計其存者或改姓爲許陳氏自此衰而林呂尤潘諸族代之而興

焉毘湖人云知柔從子樸機模皆知名樸模自有傳 機字介
行學問該貫尤長於詩不經思索自饒理趣嘗有句從此不除
窗外草要觀天地發生心又曰須信生生是真易疏籬依舊竹
生孫蓋邵雍擊壤集之遺也

蔡茲字光烈安仁里之東園人問學有聲從遊者衆紹興十二
年第進士仕至南恩守秩滿雅有林泉之想時梁克家爲丞相
素重茲欲畀以要職茲不就挂冠歸築室東偏匾曰燕堂旋改
名長春堂日與賓友觴詠其間嘗於紹興二年爲建州考官謂
人曰吾取中一後生三策皆欲爲朝廷措置大事他日必非尋
常人卽朱熹也其衡鑒不爽類此

永春縣志

卷十九

儒林傳

三

陳光字世德民蘇里之碧溪人少力學閉戶讀書手不釋卷歲
首卽裹糧從師歲暮方歸赴鄉試屢黜無愠色登紹興十八年
進士與朱子爲同年陳知柔與之友善梁克家未仕時聞光學
行從受業焉後至宰相爲時名臣光精力絕人嘗手抄六經解
一字差誤卽毀其紙復錄之尤工爲古文所居至今名文章山
歷封州僉判權知新州

蘇升字時重常安里人亦與朱子同年進士性好吟詠雋永拔
俗有陶淵明之風有頤齋集行世知永豐興學教士作人居多
後調瓊州升姪泰居京師亦登嘉泰壬戌進士

林左

里人性至孝深明易義淳熙十一年特奏名授國子

助教賜緋衣又特差權監潭州南嶽廟

陳易字俊之

省志作緩之

和風里人慶元二年進士幼孤力學受業

朱子朱子嘗稱易及陳淳爲學得次第晉江蔡和以儒學名於時恆從易講論焉先時漳泉士泥章句自朱子導源於前易與淳繼之由是濂洛關閩之學大行居喪酌遵古禮不用浮屠法鄉閭化之仕終懷安縣丞

黃以翼字宗台維之從子也受業陳淳蔡和之門莊毅有立析理精詣暮年記問益富同邑卓琮字廷瑞從陳淳遊嗜學堅苦以積累成功能暢淳所授之旨

王識字致遠常安里人弱冠領鄉薦博覽書傳精星曆嘗作渾

永春縣志

卷十九

儒林傳

四

天圖每仲月爲一圖以驗天文盈縮又作渾天儀以布漆爲之可旋轉外作八卦桶承之陳知柔爲之刻碑題跋每與識夜驗星象畫乃畫圖所著多佚僅有觀星詞傳于世

王胄字希武善化里之錦斗人精于春秋第嘉定癸未進士教授惠州秩滿入爲太學正遷博士禮闈較藝有諫官同典舉欲私所厚以冠多士胄識其文曰必某人也典舉色阻易填次列而心銜之揭榜以劾罷通判惠州悅羅浮山水之勝題詠殆徧歲餘卒於官

明

林瑱字朝貴

里人正德間歲貢授浙江象山訓導尊聖講

學獎成士類無炎涼酸縮之見象山人士敬重之解組歸休淡泊明志莆田林宮保俊贈詩有青氈長物貧無恙白首論交老更親之句

顏標字望卿慕仁里人嘉靖間由歲貢授常寧訓導遷象州學正歷廣州温州教授有蘇湖風範陞楚府紀善致仕歸嗜學不倦工楷書壽九十四卒子起敬任鎮沅府參筆孫之復歲貢南昌經歷

顏容恭字安卿標同里人萬曆間由歲貢授浙江西安訓導師範端嚴訓課不倦捐修學宮大著勤勞卒于官子維璘歲貢裔孫斯謀自有傳

永春縣志

卷十九

儒林傳

五

劉鏊字後坡一字世糾儒林里人天啓間舉於鄉知元謀縣歷遷澂江府抵任未幾挂冠歸鏊性孝友學問淹博勤於講授從學甚衆所著經說名麟旨外有要書說約及無題懷古諸集並行於世蓋於科舉時藝之外卓然有以自立不爲風氣所限者也嘗讀書大鵬山中之牛頭砦後人以鏊故改稱鰲頭砦云

清

方尙來字以遜儒林里人篤志力學誘進後生由順治間歲貢授建寧訓導以正道課督諸生家居清淡不事干謁恬如也子飛康熙間舉於鄉族人雲錦乾隆初爲將樂訓導兼掌教龜山書院著有課士條規爲士林所欽式後調臺灣卒於官同時又

有李射策者以工書能詩名歷任侯官縣興化府教職亦以善課士聞

鄭克容字榮寬儒林里人學尚躬行著有昨非菴日纂由廩貢歷任平和臺灣訓導重刊四禮翼養正圖說以訓諸生後擢龍安府經歷不赴

王維文字隆哲常安里人由廩貢授建陽訓導遷平和羅源教諭助新文廟纂修邑志所至以振興文教爲事知名之士多出其門羅源人祀之勒石學宮同族人 有鉞都宗儼 鉞都字駿儒初授汀州訓導歷遷長汀清流教諭所至以能舉職稱子鴻纘貢生 宗儼字敬子初授侯官訓導歷調古田福鼎訓迪諸生若其子弟沐教澤者俱佩服不忘右王氏三人俱有興修學宮之勞故類記之

永春縣志

卷十九

儒林傳

六

陳江之字晉方和平里人由雍正乙卯拔貢生判湖南道州講學爲政一以周子爲模範勤撫字士民懷之江之精書法工繪事濂溪祠中有石刻周子拙賦爲朱子所書江之心摹手追之嘗有誦心拙賦知真訣學道惟斯不外求之句所遺文翰道州人爭寶之

莊延裕字素思際昌孫也康熙己未進士授翰林院庶吉士纂修十六國史以病假歸居家以孝友稱嘗濬其祖所築青陽鄉盈塘恢擴水利鄉人德之又倡修蔡文莊祠

郭應元字景仁由康熙辛丑進士授邵武府教授父病嘗割股以進兄暮年喪子爲置妾兄沒撫姪如子以孝友聞於里

吳一豪字貞甫榜姓郭

舊志選舉作邱

康熙丁卯舉人知瑞金縣案無

留牘人無淹繫有諸生蕭某被誣殺人一豪訊釋之上官廉知其能令勘鄰縣獄寧都有兄弟互控父墳久不決一豪以情感之曲直立判邑額穀萬六千餘石積貯無所向以穀價遞交一豪捐建倉廩采買以備災祲鹽政病民苦商由匪徒結武弁爲援包私阻塞一豪請禡之匪徒屏跡又以陸運不通闢盤山之孔道以利往來商民賴之後因寧都犯逸委罪瑞金罷歸年七十卒

永春縣志

卷十九

儒林傳

七

黃志弼字伯彥康熙己卯舉人授東明知縣值歲飢親自散給賑濟不假手吏胥縣有老河南接河南東接山左水發民苦淹志弼相度機宜築隄下楗雖潦不溢雍正四年水災奉文借穀檄到卽開倉發貸旋以未經奉旨罷職歸與蔡世遠陳萬策共輯朱子家訓年七十卒

顏儀鳳字亦凡慕仁里人康熙癸丑進士授安平知縣擢正安知州檄令繪圖丹江未幾征剿烏蒙檄令督理五省兵餉兼築威寧城咸著成績以勞勩遘疾歸

李允昌榜姓黃字少文和平里人雍正癸丑進士權知河南柘城縣多荒地允昌捐貲開墾得田數百頃復權知睢州及豐縣

俱有政績旋授山東日照知縣縣有沭河民患徒涉允昌捐俸具舟又修南湖上園二橋以利往來在日照四年江南諸郡蝗蟲爲災獨不入境是秋穀熟有兩歧三穗之祥年九十二卒

周留輝字

前溪人乾隆戊子舉人力學有文名性純樸未

嘗干預外事曾任閩縣教諭有諸生因事繫學宮胥斗欲詐其財多方苦之留輝釋令歸與約召必立至後竟負約逃案縣令知留輝良厚不之責留輝引咎辭職歸以讀書課徒自娛其族人龍騰年輩稍後亦以學行著 龍騰乾隆末歲貢生性憐才族子聯登幼失怙家貧龍騰資之學而教之由是知名

謝天秩字敘圃魁斗村人生有異稟文思敏而工每試必冠其

永春縣志

卷十九

儒林傳

八

儕偶受知學使送鼇峯肄業以學行爲掌教林枝春所器重汪廷璵爲福建提學聞其名對諸教官亟稱之會鄉試報罷舉優行將以第一人相待而天秩事母孝得家書知母病卽稟請遄歸侍疾後屢薦弗售至六十歲貢太學授徒於里中多所造就有文集藏於家年七十九卒孫世昌年二十五登乾隆己酉副榜天秩猶及見之世昌號拙菴學行與天秩相類光緒間舉人鴻福其後也 鴻福字祝生性沈默力學以孝友聞受業於閩湖諸生李懷溪榕村相國之裔也爲文得其指授刻削雋永自名一家中乙酉鄉闈第三名時年三十二未幾卒弟鴻緒亦諸生以讀書世其家

林功字世成霞陵人邵楷孫也乾隆間舉於鄉性淡定不慕聲華閉戶潛修得儒先精粹之旨孝行尤著邑里重之著有再造錄勉夫剩語舊志

鄭奮拭號順五安平里夾滌村人宋名儒夾滌先生後明季自莆遷永仍以夾滌名其鄉康熙後科甲蟬聯以經學著者尤衆學童誦全經入泮者至十餘人當時有夾滌經霞陵賦之諺拭爲武進士良士姪孫習儒業有名於時雄于資而以俠聞尊師重道好義樂施乾隆間州建西灞拭首捐巨款充租十石建梅峯書院復捐銀七百兩租如前州牧高其義聞於閩浙總督崔特獎給廣文崇義堂額以榮之時三十四年七月也未幾孫正

永春縣志

卷十九

儒林傳

九

心以案首入泮姪鳴岡兆瑞相繼舉於鄉兆瑞授光澤訓導鳴岡授建安南安訓導晚年掌教梅峯院內有松名鄭松者岡手植也拭後裔甚繁書香不替人皆謂好學爲善之報

鄭宗僑字

慕仁里之上場堡人篤學力行不慕榮利以廉

介長者聞鄉里間由嘉慶戊午舉人選授南安教諭南安民風勁悍時有抗糧逋賦之舉知縣朱以宗僑爲士民所信仰請代征收宗僑諾之肩輿下鄉僅從一僕人所至擁道爭迎輸將恐後焉

洪瑞字梅塘儒林街人乾隆間歲貢生嘗三冠童試時人稱爲小三元爲人率直無矯而耿介有守讀書以窮理爲主著有學

庸旨要晚年授建陽訓導課士不倦在官三載卒於任無力還葬諸生集資以歸之族裔邦光最知名 邦光字梅樵更名彬同治壬戌恩貢博學篤志文行俱爲士林所重勤課授子弟生徒多所成就顏慶忠林式璟洪廷珍林楣洪榮及林炳輝等皆其門人也子濬諸生榮廷珍皆南安人式璟自有傳

顏慶忠字魯堂上場人光緒丙戌進士授知縣發湖南候用試筦湘陰釐局克舉其職尋丁父憂回籍未幾卒慶忠姿穎敏而沈默寡交遊故不甚爲鄉閭所知然學有根柢言行不苟其卒也士多惜之

林楣字雲樵產賢人博涉羣籍善屬文伸紙立就不起草從遊

永春縣志

卷十九

儒林傳

十一

者甚衆陳受頤爲知州甚重之每造其廬論文講藝年未四十卒終優廩生爲人坦易無城府家貧以授徒爲業不與他事所爲詩文甚多而不自收拾罕有存者沒後其壻顏逢焯鈔錄之僅若干篇

陳錫恩字靜齋儒林街人曾祖考皆歲貢父庠生世以讀書課徒爲業錫恩拙於治生家甚貧而天賦篤實閉戶鑽研不染浮囂氣習爲文亦古澹絕倫人鮮知者咸豐辛亥知州事崔洲促應鄉試爲房師萬琴舫所特薦中式時年二十五明年會試以與御史陳慶鏞爲近親避不入場丁丑再試成進士選授知縣請改教職後得福州府教授未赴卒錫恩賦性恬淡操行高潔

生平不履邪徑不欺暗室嘗掌教梅峯書院八年自好之士皆
師尊之與人言開心見誠無矯飾刁梗者得其一言訟立解惟
德勝於才故除教學外無赫赫名其自請改教職亦以才力不
及故然屢約同志建育嬰堂禁溺女及私宰賭博花會娼寮可
謂知所先務矣子銘謙孫榮光俱庠生姪人鳳長樂訓導

薛德先字鳳亭昭善里人同治壬戌舉於鄉以倡修文廟功奉
部准授教職庚午委署屏南訓導儉約自奉不計修費而諄諄
課授不立崖岸無貴賤少長咸樂之幾忘其爲異縣人也好讀
書老而不倦署中藏書甚多德先檢閱殆徧暇則以詩酒自娛
秩滿告歸掌教梅峯鵬山兩書院士林稱之卒壽八十三子雋

永春縣志

卷十九

儒林傳

十一

庠生姪超廩生自德先之後里人以諸生出任教職者有王啓

東林一桂顏良謨孫鳳輝皆知名 啟東字壽星東熙人光緒

間恩貢任泰寧教諭博聞強識里居時授徒甚衆 一桂字月

樵家樂山下之芸香村由恩貢生任連江訓導選舉志好學善

屬文子玉菖玉中孫毓堃毓材皆諸生以文學世其家 良謨

字雪樓家上場堡外之產賢村與西門外同名同治癸酉副貢生善事

繼母以孝稱任羅源崇安教諭喜誘掖後進士林奉爲楷模子

啟仁庠生 鳳輝字覽而家儒林街賦性沈潛寡言笑慎交遊

爲童子時知州周式濂賞其文由增廣生貢太學任平和教諭

樂易近人士多稱之子逢辰交通部主事逢文歷任小學校長

縣視學及中學校教員

林以仁字復吉號衡齋昇平里人性淳厚而耿介有守爲學不事雜博以著己利物爲宗少訓蒙負米供親師歲貢生黃振宗敬事之終其身弗懈有謀爭屋地者欲得其一言爲憑遣所知善辯說者以四百金賂之其人度不可以私干璧還之其風節如此林氏有長埕瑞亭兩祖祠歲久傾圮以仁重建之又倡議纂修族譜造壺口萬春軍兜陳坂安泰諸橋及往來道路以利行人立鄉約斥淫祀俗爲之變李樹敏爲知州重其學行延掌教懷古書院遠近受業者不絕著有四書增釋衡齋拙稿數十卷終歲貢生臨沒戒無用浮屠法治喪子賡颺廩生長於曆算

永春縣志

卷十九

儒林傳

三

自名其家今志緯候篇全出其手

周騰雲字倬甫前溪人光緒壬寅舉於鄉未幾卒年僅二十有七騰雲幼穎敏好學先從族兄炯煌兄騰飛習制舉業旋研習經史古文偕陳祥雲林志伊等就鄭翹松於大鵬山中負米析薪習之不謂勞也後聞侯官謝叔元理義之學時寄所業請益焉科舉罷任中學校教員兼監學制行方嚴勤講授諸生敬而憚之會其母病疫兄弟俱在遠騰雲晝夜侍醫藥遂病距其母沒纔數日當時謂之死孝同時王載光亦年少志學早卒

王載光字省山石鼓人年十六爲諸生好治詩史不喜制科之學嘗與騰雲同就學大鵬山中後與周騰飛宋淵源周家瑞就

試省垣悅侯官謝叔元講學遂相率師事焉尋諸人以他故輟業或改習政務惟載光從講習弗懈叔元治諸經載光每以所見參之叔元大悅謂其日進未可量也無何得心疾還歌哭無常十餘年卒叔元聞其喪爲詩哭之復寄書鄭翹松曰省山死吾道坍塌極矣

永春縣志

卷十九

儒林傳

十三